

րէն, վասնզի երեքն ալ դա՛տ դատ վա՛յ-  
րերու մէջ կը գտնուին ներկայիս: Ա-  
սոնցմէ առաջին երկուքը աւելի շահե-  
կանութիւն կը ներկայացնեն պատմա-  
կան տեսակէտով. իսկ երրորդը, ներկա՛ն,  
շահեկան պիտի գտնուայ անչուշտ աւելի  
ուշ տարիներու մէջ:

Ինչպէս Հայաստանի, Փոքր Ասիոյ,  
Կ. Պոլսոյ և հայկական հնագոյն գա-  
ղութներու, նոյնպէս ալ Հալէպի փոք-  
րաթիւ Հայոց հնագոյն գերեզմանատու-  
նը, ԺԴ.րդ դարէն սկսած մինչև ԺՁ.րդ  
դարու վերջին քառորդը (1579), կը զրո-  
նուէր Սալիպէ թաղի գրեթէ իրարու կից  
Ս. Քառասուն Մանկունք և Ս. Աստ-  
ուածածին եկեղեցիներու շրջավայրին  
մէջ, ուր մինչև այսօր տակաւին իբր  
վերջին հանգստարան ամփոփուած են  
քահանայից մարմինները: Վերջին դաժ-  
բարանը գոցուեցաւ ողբացեալ ներսէս Ա.  
Քհնյ. Թավուզճեանի վրայ, Աստուածա-  
ծին եկեղեցւոյ դրան արտաքին մուտ-  
քին առջև:

Վերջին տարիներու մէջ պատա-  
հական եզանակով միայն կատարուած  
պեղումներէն երեան ելաւ որ ԺԴ.րդ դա-  
րուն և աւելի յառաջ, այս եկեղեցիներու  
և կամ Սալիպէ թաղի մէկ մասին  
տեղը Հրէից և Ասորոց գերեզմանատուն  
էր և արդի Ս. Քառասնից եկեղեցւոյ  
հնագոյն մատուռը աւանդաբար ցոյց կը  
արուի իբր Ասորական փոքր վանք մը,  
Ասորական գերեզմանատան մէջ, երբ այս  
թաղը բաւական հեռու էր բուն հին  
Հալէպէն, որ կը գրաւէր արդի միջնա-  
բերդը, արտաքին քանի մը թաղերով:  
Անհաւանական չէ ենթադրել որ Սոյ  
առուժով և Կիլիկեան արքունիքի դրա-  
ւուժով, Կիլիկիոյ Հայոց մէկ մասին  
գաղթուժով և Հալէպ հաստատուելով,  
Ասորական այս փոքր վանքին կամ  
մատրան շրջանակը յատկացուած ըլլայ  
եկեւոր կամ պանդուխտ Հայոց, միշտ  
բուն քաղաքէն դուրս և նոյն մատուռը  
իր շրջականերով նուիրուած ըլլայ Հա-  
յոց կամ գնուած անոնց կողմէ: Այսքա-  
նը միայն իրական է ու պատմական որ  
Հայեր ԺՆ. դարու առաջին քառորդին

մէջ ունեցած են եկեղեցական կանոնա-  
ւոր կազմակերպութիւն, եկեղեցիով ու  
քահանայով, գերեզմանատունով և այլ  
անհրաժեշտ յարմարութիւններով: Ամէն  
կասկածէ վեր է որ Հալէպի Հայոց իբր  
նախնական գերեզմանատուն ծառայած  
է Ս. Քառասնից մատրան շրջավայրը,  
որուն թէև մէկ մասը միայն ծառայած  
է իբր գերեզմանատուն և կը մնայ մին-  
չև այսօր, բայց մեծագոյն մասը յատ-  
կացուած է եկեղեցին ընդարձակելու և  
յարակից շէնքերը շինելու, որոնց մէջ  
Կ'իյնայ այժմու Մարօնիթ Մետրապոլ-  
տարանը: Այդ հնագոյն գերեզմանատան  
խաչքարերն ու այլ տապանաքարերը  
անկասկած որ մասամբ անհետացած են  
ժամանակի ընթացքին, բայց կարեւոր  
մասը զերծ մնացած է աւերումէ, որով-  
հետեւ խղճամիտ և հեռատես ձեռքեր  
զանոնք զետեղած են եկեղեցւոյ ներքին  
և արտաքին որմերուն վրայ, ուր կը  
մնան մինչև այսօր: Այս երեւոյթը ընդ-  
հանուր է թէ՛ մեր և թէ՛ ուրիշ ազգե-  
րու մէջ: 1911 ին Քէօթահիա (Կուտինա)  
այցելութեանս միջոցին տեսայ բազմա-  
թիւ խաչքարեր և հին տապանաքարեր՝  
որոնք խնամքով զետեղուած էին քա-  
ղաքի Հայոց երկու եկեղեցիներու բարձ-  
րաբերձ զանդակատանց աշտարակներու  
որմերուն մէջ և կը մնային դեռ մինչև  
վերջերս: Մեր ձեռքին տակ գտնուող  
հին խաչքարերը կը պատկանին 1579  
թուականէն առջի շրջանին: Թէև այս  
թուականէն առջին Հայերը ուրիշ քը-  
րիստոնեայ հին հասարակութեանց հեռ-  
ունեցան Աղիզիյէ թաղի երեք մասերէ  
բազկացած գերեզմանատուները, բայց  
Ս. Քառասնից և Ս. Աստուածածին եկե-  
ղեցիներու բակը, ինչպէս ըսինք, յատ-  
կացուեցաւ եկեղեցական և աշխարհական  
ականաւոր մեռեալներու: Իսկ Ս. Քա-  
ռասնից հնագոյն մատուռը, կանխագոյն  
ժամանակներէն առջին իբր հանգստա-  
րան ծառայեց Կաթողիկոսներու և նշա-  
նաւոր Առաջնորդներու: Քահանայք, հի-  
նէն ի վեր, մեծագոյն մասով թաղուած  
են եկեղեցիէն դուրս, և քիչ բացառու-  
թեամբ ներսը թաղուողներ կան: Հա-